



TAPAK 9

CPI Lenin Raja-i Sonia Gandhi ajuru



TAPAK 7

Julia Roberts-i Lionel Messi aser Cristiano Ronaldo ajuru

VOL. XIV NO. 187 (ADOK 187)

DIMAPUR

THURSDAY

APRIL 27, 2017

5.00

Nagaland sorkari 'Red Beacon Light' nokdangser



Dimapur, April 26 (TYO): State Cabinet-i lemtetba ama Nagaland sorkari May 1, 2017 nungi Nagaland state nung Central/State Government garitem ajak nung Red Beacon Light mamshitsü nokdangser.

Red Light Beacon tenokdangba kübok Centre sorkar indang Civil/Military Paramilitary/Police Functionaries

Officials aser State Government Departments/ Agencies/Organizations/Public Sector Undertakings ajak adentsü, ta sangdong ka nung metetdaksüogo.

VVIPs/VIPs/High Dignitaries meinba police garitemi multi-coloured orange, blue aser white light amshitsü akok, ta sangdong nungsa shia lir.

Sorkari Rongmei kin indang telemtetba meyipa agir

Dimapur, April 26 (TYO): August 12, 2012 nü sorkari Rongmei kinji Nagaland nung indigenous Naga tribe rongnung ka ta züngokba meyipa agir, ta tanü Nagaland sorkar sangdong ka nung metetdaksüogo.

Iba telemtetba ya April 25, 2017 nü Cabinet senden ka amendang agi, ta Deputy Secretary to the Govt. of Nagaland, Nchumbemo Lotha-i

sangdong ka nung ashi.

Ajisüaka, December 1, 1963 jakdang Nagaland nung arua aliba Rongmei nunger 1,313, shirnok Nagaland sorkari 'special enumeration process' ka ajanga züngsema lir, parnok aser parnok nungi jakzükertem ajak maneni 'indigenous inhabitants of Nagaland' kübok temeten angutsü, ta sorkar sangdong nungsa shia lir.

Tanü PM-i air connectivity scheme tenzüksütsü

New Delhi, April 26 (Agencies): Brihostibarnü Ato kilonser, Narendra Modi-i 'UDAN' scheme tenzüksütsü, koba ajanga jenjang tajemba tayimtsü agi regional connectivity jenjang tajungba aküimtsü.

Shimla nung iba UDAN ('Ude Desh ka Aam Naagrik') scheme tenzüksü Ato kilonser Shimla-Delhi, Kadapa-Hyderabad aser Nanded-Hyderabad sectors nung tayimtsü ka tenzüksütsü, ta tanü PMO ajanga metetdaksü.

"Tongtibang tesemtem nung sensotemi tayimtsü service angutsü atema 'Ude Desh ka Aam Naagrik' RCS (regional connectivity scheme) ya

October, 2016 nung tenzüka liasü," ta PMO-isa metetdaksü. UDAN Scheme ya National Civil Aviation Policy (NCAP) indang tongtibang shilem ka lir aser iba ya 2016 küm June ita nung sayaa liasü.

"Tayimtsü ka nung kilometer 500 shi ainlen khen senzüba mesüra helicopter ka nung minute 30 ainlen senzüba nung sen 2,500 asütsü," ta kasa osang ajanga ashi.

Narendra Modi Ato Kilonser aküimba sülen tang mezüng pai Shimla semdang asütsü, aser iba mapang nung pai Ridge Maidan nunga lokti senden ka nung jembitsü.

Business Association of Nagas-i aitsür

Dimapur, April 26 (TYO): April 20, 2017 nü supervisor-i anir NSCN(IM) züngsem kati Dimapur nung Naga entrepreneur temi lapokba dokantem mita aoba kukua aitsür, ta Media Cell, Business Association of Nagas (BAN)-i metetdaksü.

Parnoki Daily feed, Clothing World, Hot Topic, Liz's studio, American boutique, The Blossom, The Shop aser Furtados dokantem mita ao aser idangji dokan kar nung tangalen nungi bener arua ayokba aser 'locally produced products' nung jenjang atakba atema ashishi. Ano, parnokisa dokan kar

nungbo 'price tags' melii osettem ayokba atema ashishitep aser IPC Arrla 420 nung aitsütsü ta amokmeren.

April 21, 2017 nü dokan kiburtemji Nagarjan Junction nung restaurant kati jaok aser parnok shia dang sen 50,000 senchi meshi, saka kiburtemi senji magütsütsü ta ashi. Iba sülen senchiji sen 20,000 tashi alu aser iba anogo nikonngang 2:00 ako tashi nung agütsütsü mapang latettsü. Ibaji magütsüra dokantem shibangtsütsü ta amokmeren, ta Media Cell sangdong nung shia lir.

(Maneni tapak 12 nung...)

NIA-i Nagaland sorkar ketdangser asem apu

Dimapur, April 26 (Agencies): Bodbarnü National Investigation Agency (NIA)-i Nagaland sorkar ketdangser asem puogo. Parnoki National Socialist Council of Nagaland-Khaplang (NSCN (K) nem official süa sorkar sen agütsüba atema tai tonglokja apu.

NIA-i apuba ketdangsertemji Social Welfare Department nung Joint Director/DDO, Land Resources Department nung Joint Director/DDO aser Land Resources Department nung UDA/Cashier inyaker.

Ozüngi nokdanga aliba NSCN (K) telok nung züngsemtemi Dimapur aser Kohima temeket nung sorkar department aser tangar dang nungi tashiyim agi sen saruba inyakyim dak sendakba nung sorkar ketdangser asem dak tai tonglokja apu.

Par asemi NSCN (K) nem sorkar sen agütsü aser iba ajanga NSCN (K)-i ozüng alema inyakba maparen nung parnok pusemba sayur ta NIA-i tai tongloktsü.

NIA-i bushisüngdanga

aodang, demand letters aser payment receipts angu aser itemji jungjunga bushitepba nung NSCN (K), NSCN (R), FGN, NNC aser tanga telungpur teloktem nem sen aika agütsüba kuli angu aser iba nung ajemdaker sorkar ketdangser asemji apu.

Bodbarnü par asemji Special NIA Court, Dimapur kati anir oa ken o benok aser okadaki par asem rongnung nisung ana police ket nung ayutsü aser ka temang manemba atema mozükidang anepalutsü temelaba agütsü.

Kohima nung Azad Hind Museum ka lapoktsü

Kohima, April 26 (TYO): Phek district kübok Ruzazho yimtsüng nung anogo ananü "The Battle of Kohima and its impact on Indian Freedom Movement" shisatokden alidang Kohima nung Azad Hind Museum ka lapoktsü bangzünga renemogo.

Shisatokden nung shisalen sayurtem, tayongertem aser tadenertemi iba telemtetbaji Bodbarnü agi.

Azad Hind Provisional Government tekolak aser Indian National Army (INA) Supreme Commander, Netaji Subash Chandra Bose-i World War-II mapang Ruzazho yimtsüng semdang.

Ruzazho nung anogo ananü

shisatokden alidang iba yimtsüng dang National Heritage village ta ajatsüla ta tesentepertemi telemtetba agi.

"Nagaland yimtiba Kohima nung Azad Hind Museum ka lapoktsüla aser iba nung Netaji aser INA dak sendakba osettem, uniform aser wako ayutsü. Iba museum nung INA-i amshiba Azad Hind currency, kakettem aser film tem ayutsüla" ta shisatokden nung adenertemi telemtetba agi.

Nagaland nung INA senzüba lenmangtem ajak meteta ayutsü aser Jessami, Sangshak, Sangnyu, Sahpao, Lahe, Ruzazho, Chosezu, Viswema, Mao den Kohima aser temeket

nung nüngshilungtem yanglutsü atema parnokia telemtetba agi.

Nagaland aser Manipur nung INA-i mapa inyakbatem indang otsü bushitsü aser ibaji India public atema yimjak nung sayutsü atema State aser Centre sorkartemi mapa inyaksüla, ta parnokisa lemtet.

Iba shisatokden sentong ya Pfutsero Government College-i Netaji Subash Chandra Bose Memorial Development Society Nagaland aser Chakhesang Students Union, Phek na den yaritepa ayongzüik.

Linük tesem balala nungi shisashirtem, putiotsü bushirtem, professor tem aika iba sentong nung aden.

Ketdangsertemi nüburtem taliba nendaka tenzüksüla: Angh



Chozuba nung Nagaland Angh, PB Acharya den Phek Deputy Commissioner, Muroho Chotso, Chozuba Sub Division Administration aser tanga ketdangsertem külemi agiba noksa ka angur.

Chozuba, April 26 (TYO): April 25, 2017 nü Nagaland aser Arunachal Pradesh Angh, P B Acharya-i Ruzaho semdangba mapang Phek Deputy Commissioner, Muroho Chotso, Chozuba Sub Division Administration aser tanga ketdangsertem ajurua shisa lemsatempa liasü.

Angh-i sub division nung ketdangsertem dang iba tesem nung nüburtem ano taliba nendaka tenzüksü ajungshia liasü.

Nüburtemi nenok dang nungi imlar, anungji parnok temetentem sendoka meyutsütsüla, ta shia Angh-i, "Tasü ittang aser nüburtem atema inyakang," ta ashi.

Shisaliok tsütsü tebilemstü kaja Angh-i, SDEO-i pa kübok aliba tesem nung temelen inyakdaksüba (proxy) tesayurtem mita

reprangtsüla, ta ashi.

Acharya-isa, "Nija school tesayurtem dang nungibo sorkar school tesayurtem nem itasen timba agütsür, iba den külemi parnokji tatidang agia shimbatep lir, ajisüaka sorkar school tem tatidang osang agi temulung masür, iba nung ya temelenshi nüngdaker," ta metetdaksü.

"Lokti ka terenlok atema tamendakdaksi shisaliok lir, anungji nükkidong tajung yur department-i inyaksüla," ta paise ashi.

Angh-isa, "Higher Secondary nung admission bushir kaketshirtem tali süra school tem nung class ajungkettsü atema ketdangseri takhangba agüja inyaksüla. Higher Secondary shisaliok atema kaketshirtemji Kohima, Dimapur mesüra tanga jilatem tashi mesenzüdaksütsüla," ta ashi.

Gari lenmang tajung nüngdaker, ta shia Angh-i PWD dept. dang sub division den sendaktepba lenmangtem tajungba küma yanglutsüla, kechiyong terenlok atema lenmang tajung nüngdak, ta ashi.

Gari lenmang tajung aliba ajanga iba sub division nung tourism ajungkettsütsü, ta shia Acharya-i, "Kodang Ruzazho village ya Heritage Village ta sangdongdir raliwalirtem timba aküimtsü," ta metetdaksü.

Angh-isa Chozuba Range Public Organisation nungi züngsemtema ajurua liasü aser iba mapang nung parnok pa nem Chozuba nung college ka amenoktsü atema temepishiba shidi ka agütsü.

Ajioda Angh-ia ibaji Minister in charge nem agütsütsü, ta shiogo.

Fishery Dept-i Bade nung ango metsürtem nem training agütsü



April 26, 2017 nü Bade village nung Dimapur CEO, Dr. Vimezo Kire den Fishery Department nungi ketdangsertem aser ango metsürtem külemi tangokba noksa ka angur.

Dimapur, April 26 (TYO): demonstrator) nungeri anogo April 26, 2017 nü Bade village panchayat hall nung state sorkar Firshery Department kübok Chief Executive Officer (FFDA) Dimapur, Dr. Vimezo Kire leniba nung technical staff tem, Kr. Shamyung (fishery inspector), Nokener aser Ayutemjen (fishery

metsür parnok nisung 25 nem Indian major carps aser Exotic major carps indang training ka agütsüogo. SAGY (Sansad Adrash Gram Jojana) kübok Rajya Sabha MP, K.G Kenye-i Bade village ya model village ka ama shima lir.

Training agütsüba den külemi Fishery Department-isa yimdak ango metsürtem nem floating fish feed (ango chiyungtsü) seret 350 aser shinü seret 450 den training manual "Handbook on culture of Indian major carps and Exotic major carps" kaket lemja liasü, ta ketdangsertem sangdong ka nung metetdaksü.

Sorkar mapa inyaker training agirtemi Mon district Hospital semdang



Dimapur, April 26 (TYO): Induction Training Programme April 26, 2017 nü Mon district nungi state sorkar mapa inyaker

agiba training dak sendakba nung Mon district hospital temeket merükteta liasü.

Er. N.Moa Longkumer, Dy. Director (Training) & Nodal Officer for ITP, Tsenthungo E. Ngullie, EAC, Mon, Dr. Kechongol Sophie Medical Superintendent Mon aser Imlibenla Jamir, Lecturer ATI nunger leniba nung training agirtemi iba mapaji inyaka liasü, ta ketdangsertem sangdong ka ajanga metetdaksü.

Manipur CM Biren Singh-i anogo 100 sentong sangdongtsü

Imphal, April 26 (Agencies): Mongolbarnü Manipur Chief Minister, N Biren Singh-i, Cabinet senden ka amenba sülen anogo ishika tsungda state sorkari anogo 100 indang sentong sangdongtsü, ta metetdaksü.

Paisa, "Sorkar indang tongtibangtiba nukjijonggi state nung telok balala tsungda apo latsütsü atema lir," ta ashi.

Paisa, "Taruba ita sorkari Khuman Lampak sports complex nung sports academic

sessions tenzüksü," ta metetdaksü. Manipur sorkari Koutruk nung aliba sports university complex anasa helicopter anendak ka yanglutsü aser complex tashi gari lenmang yanglutsü, aser taruba ita Ato kilonser, Narendra Modi-i iba atemaji lung azungtsütsü, ta paisa metetdaksü.

"Traffic timtem koktettsü atema Imphal East aser Imphal West indang traffic police

lokteptsü aser Superintendent of Police kübok wing ka tentettsü. Iba dak alia cyber crimes atema police station temeja ka tentettsü," ta paisa ashi.

State BJP executive zungsemtem dang kanga nendaka inyaksüla aser nüburtemi imlaba ama inyaksüla, ta ajungshia pai, "Sorkari Centre indang schemes ajak inyakra BJP-i Lok Sabha election atema nübo ayimtsü menüngdaksü," ta ashi.



Phek, April 26, 2017: Bodhbarnü DC conference hall, Phek nung Phek District Legal Services Authority (PDLA)-i Juvenile Justice System indang training/workshop ka agütsüba sülen tangokba noksa ka angur. Iba sentong nung Master Trainer NSLSA, Akumla Longchari-i Juvenile Justice Act 2016 nukjijongtem indang metetdakja liasü. Training nungsa Chairman PDLA aser District & Session Judge, N. Longshithung Ezung-ia POCSO Act indang metetdaksü. DCPO Phek, Ketobu Vitsu-i okila jembia, Retainer Lawyer PDLA, Mamang Singson leniba nung sentong agi aser APP Ohek, Samuel Ritse-i tepela anküp o jembia. JJB zungsem, Mezo Nyekha-i sarasadema iba sentong tenzüka liasü.

Hebron-1 colony nung lenmang yanglushi

Dimapur, April 26 (TYO): dang tarutsü nung iba lenmang April 25, 2017 nü Hebron- 1 colony, Phek nung lokti nübokdoka mapa inyak aser iba mapang nung gari lenmang nung ongenke atepa liasü.

Colony Youth President, Kewetso Khape-i ashiba agi, lanur 50-60 shii long belena colony lenmang yanglushi.

Colony Youth-isa department

yanglushitsütsü atema mepishiogo.

Iba mapa takok ngua inyakba atema Hebron- 1 colony nüburtemi Phek Deputy Commissioner, Murohu Chotso aser SDO (C) Vekusheyi-i melungsoa department trucks agütsüba atema pelaba olen ka lemsatsep.

5 AR-i NSCN(K) zungsem ka apu

Dimapur, April 26 (TYO):

April 24, 2017 nü North Point Colony, Zunheboto Town nung Headquarters IGAR (North) kübok 5 Assam Rifles sepaitemi NSCN(K) zungsem ka tenüing agi, Lieutenant Kivito Kiba apu, ta tanü Lt Col Amitabh Sharma PRO, HQ IGAR (North)-i AR sangdong ka nung metetdaksü.

Pua alisangji Zunheboto jila nung ozüing alema saru saruba aser rakzükraktemba nung shilem agia lir, aser pa ket nungi saru saruba booklet ka den sign sür aliba tax collection slips pezü apu. Maneni bushisungdangtsü asoshi pa den pa ket nungi angubatemji Zunheboto Police Station ket nung agütsüogo, ta kasa sangdong nung shia lir.



April 25, 2017 nü Kiphire nung Nagaland Pradesh Youth Congress (NPYC)-i state-wide tour (Organizational) tenzüka noksa nung angur. Iba tour ya shilem balala lemer aotsü aser Nagaland state tesem ajak ayimjemtsü.

DDLSA-i Juvenile Justice System indang training ka agütsü

Dimapur, April 26 (TYO):

Teyari aser teküzmükba nungdakba tanurtem nem legal teyari agütsütsü nukjijong nung April 26, 2017 nü conference hall, district court, Dimapur nung Dimapur District Legal Services Authority (DDLSA)-i Juvenile Justice System indang anogo ka training workshop katsüogo.

Iba workshop nung Panel lawyers, Para Legal Volunteers, police, children homes, labour department, Juvenile Justice Board, Child Line, ICPS, MSW students, Child Welfare Commission, women cell aser lokti atema inyakerkem dena liasü.

Okila jembidang Comissioner of Police Dimapur, Limasunep Jamir-i ajaki angatettsüsa Juvenile Justice Act indang tongmelang agi rasaa metetdaksüba den külemi Protection of Children from Sexual Offenses (POCSO Act) indanga metetdaksü.

Police Commissioner-isa Nagaland Victim Compensation Scheme 2012 kübok Relief and rehabilitation branch, Home Department-i lemzüksüba Victim compensation award sen lakh 1 retainer lawyer, Nathaniel

Kevidhusa nem agütsü. Lokti pelaa agizükba o jembidang Secretary, DDLSA aser CJM Dimapur, Ajongba Imchen-i iba senden nung ajaki jangrabangraa arua adenba atema pelaba lemsatsep.

Iba workshop nung shisalen sayurtem aser parnoki jembiba onüktemji- Legal Aid Counsel & Trainer, NSLSA, R. Limhathung Ezong-i Juvenile Justice Act, 2015 indang jembia, Legal Aid Counsel & Trainer, NSLSA, Wt. Esther K. Aye-i Child labour/illicit trafficking indang jembia aser Legal Aid Counsel & Trainer, NSLSA, Kr. Limasenla Longkumer-i POCSO Act ICPS indang jembia liasü.

Iba sentong ya Panel Lawyer DDLSA, Moatila Ao leniba nung agia liasü.

Iba sentong tembangba sülen stakeholders dena shisa lemsatsepba sentong ka agi.

Iba sentong takok ngua katetba dak sendakba nung DDLSA-i sentong nung adener ajak dang pelaba lemsatsepba den külemi asen lokti jenjang tajungba akümstü atema tarutsü nunga stateholders ajaki maneni amalitepa inyaksü imlar, ta metetdaksü.



New Delhi, April 26: Bodo nungler lokti nungi teshimtet züngsemtem New Delhi nung April 26 nü Union Home Minister, Rajnath Singh ajurutep dang tangokba noksa nung angur. Maneni of Assam Chief Minister, Sarbananda Sonowal aser tanga sorkar ketdangsertem noksa nung angur.

BTAD kübok tanga kin loktitemi longkak aitsü amokmeren

Guwahati, April 26

(Agencies): Bodoland Territorial Area District (BTAD) nung tanga loktitemi, Bodoland state balaka kümtettsüba takhangba nung Centre-i lokti ka dang ajunga asaa telemtetba agira, parnoki taruba ita longkak aitba sentong ka ayongzüksü ta amokmeren. Bodo nungler-i parnok asoshi state balaka akhangba dak sendakba nung All Bodo Students Union (ABSU) aser Centre sorkar na jembishiniü tenzükogo.

"NDA sorkari BTAD kümtettsüba telemtetba agiba yaa lokti ka ajungsü atema dang liasü, kechiyong district nung Bodo nungler dang nungi

tanga kin nütsüng yongsük timba lir, saka item lokti den kecha sensaksem makai dang iba telemtetba agi. Anungji state balaka kümtettsü asoshi akhangba onoki anemer," ta Mongolbarnü MP Naba Kumar Sarania-i ashi.

"Centre sorkari Bodo land dak sendakba ken o jembishiniü nung tang kin loktitem sendakra onoki May ita nungi tenzük longkak aitba sentong ayongsü. Ajaki agizükettsüsa telemtetba ka agitsü asoshi Bodo nungler, Centre aser aser tanga kin lokti nungi züngsemtem senden ka akatsü asoshi onoki benokdang. BTAD kümtetba ya 'democratic' yimya nung meinyak, kechiyong iba

telemtetba ya tanga kin tem tejangraba anema liasü. Sixth scheduled-i yimsü asüba tesemtem nung tanga kin shilem 80 lir," ta Sanmilito Jonogosthiya Oikya Mancha (SJOM) coordinator, Brajen Mahanta-i ashi.

Mahanta-i ashiba agi, BTAD kümtetba sülen nungi iba tesem nung kin tsünga rarabangsen tali adokba ajangshio go aser iba den temzüng ozüng raksaba tebilemetsü tali kümogo.

"Taniüa Adivasi nungler aika 'relief camp' aser tejenokdak balala nun lidar, kechiyong parnok ki tem kin tsünga mangatettep adokdang rongtokja liasü," ta paisa shisem.

Assam nung tesayurtem longkak ait

Guwahati, April 26

(Agencies): Mongolbarnü All India Primary Teachers' Federation-i Right to Education (RTE) Act mapa küma inyaksüba aser tesayurtem mapa nungi anener külen 'social security' agütsütsüba khanga linük ajunga nung longkak aitba sentong ka ayongzük agi. Iba longkak aitba sentong ajanga Assam nung primary school meyirejang 40 tashi shibanga liasü.

State nung lower primary school tem nungi tesayur lakh 1 dak temai iba longkak aitba sentong nung, Sarva Siksha Abhiyan kübok tesayurtem

mapa nung 'regularize' sütsütsü asoshi akhang. Tesayurtemi education block 138 nung mener longkak aitba sentong ka agia liasü aser parnok takhangba mataloktsüra iba amala sentong maneni ayongzük agitsü ta amokmeren.

"Assam nung lower primary school tem class shia atemaa takdang kakata alakteta makai dang school agidar. Aji dang masü primary education sector nung tesayurtem ajema lir. RTE Act mapa küma inyak tenzükba sülena school tem nung kiojen aser tanga temelenshi kecha mangur," ta Assam State Primary Teachers' Association tir Jiban Chandra Borah-i ashi.

Longkak aitertemi 'contract' nung aliba tesayur 16,000 mapa nung regular kümdaktsütsüba aser lower primary school tesayur parnok 30,000 pension scheme nung züngoksemtsüba atema khanga liasü.

"Onoki pension scheme tasenba indoker tejenba asentenshia amshitsü asoshi akhang," ta association ajanga PM Narendra Modi dangi tezüluba nung takhangba ka agütsü. Parnoki maneni tesayurtem aser elementary education nung tebilemetsü adokbatem achayangtsü asoshi national commission ka dentettsü asoshi akhang.



Agartala, April 26 : Bodhbarnü Jirania sub-division kübok Bodhjunnagar tesem nung NIELIT campus tasenba lapoktsüba mapang, Minister of State for Electronics & IT P P Chaudhary-i milen tsüklokba noksa nung angur. Maneni IT Minister Tapan Chakraborty-ia noksa nung angur.

Tetsür ka tashiyim agi raksatsüsangi la den kibong akümtsü asoshi Dowry Auto ka meshi

Shillong, April 26

(Agencies): Meghalaya, West Garo Hills nung arishi küm 15 tain tebur chanu kait tetsürchau ka tashiyim agi raksatsüba sülen, par yimdak council-i tetsürla den kibong akümtsü asoshi tetuyuba agütsü. Aji saka tanobusangi pa nem auto rickshaw ka magütsüra la den kibong makümtsü, ta ashiba osang ka ajanga metetdaksü.

Osang ajanga ashiba agi, tetsür chanula school-i oya alidang tanobusang-i kotari kati teneter la dak teim mesüi kongshi tenzük. Iba sülen pai takdang ka nung la shibanga yur anogo asem tashi tashiyim mapa inyak.

Iba sülen pai tetsürlaji lar kinunger kidang toktsü. Iba tatalokba ya March ita ataloka liasü.

Tetsürla tetsüi yimdak council nem iba osang agütsüba sülen council nung züngsemtemi tanobusang dang tetsürla den kibong akümtsü asoshi tetuyuba agütsü. Maneni pai la den kibong kümra temerenshi kecha magütsütsü ta shia liasü.

Aji saka aibelena alisang yagi pa nem auto rickshaw ka malitsüra la den kibong makümtsü ta ashi. Iba sülen tetempang nung tanütsülar kinungertemi police station nung tanobusang anema keno ka benokogo.



New Delhi, April 26 : Minister of State for Minority Affairs (I/C) & Parliamentary Affairs, Mukhtar Abbas Naqvi-i Bodhbarnü New Delhi nung Arunachal Pradesh Assembly Speaker, T N Thangdok den ajurutepdang tangokba noksa nung angur.

Tanur asoba nung Assam sorkari China nungler ama inyaksü: Oxfam

Guwahati, April 26

(Agencies): Kibong ka nungi tanur ana dang asotsü asoshi Assam sorkari sentong yangluba ya terenlok nokdang aser China nung tanur ka dang asotsü sentong yangluba ajanga 'sex ratio' meshidaki kümdaktsüba ama Assam nunga tensa tamajung ajurutsü, ta NGO telok Oxfam India-i ashi.

"Tetsürtem nem 'education' agütsüba tajungba küma yanglutsü, temang anema alitsü aser tanur asoba nokdangtsü asoshi teyari balala agütsütsü atema Assam sorkari temolung agütsütsüla. Tanga linük nung nütsüng tali renlokba nungi kümzüksü asoshi item maparen ya dang inyak. Teshisadangba melei iba maparen tenzükra China nung tanur ka dang asotsü sentong yangluba ajanga 'sex ratio' meshidaki kümdaktsüba aser iba ajanga tanaben iba sentong raksaba ama ataloktsü," ta Oxfam India indang CEO, Nisha Agrawal-i ashi.

Iba sentong ajanga tanur ana dak tali asortem, sorkar mapa inyaksü memelar. Panchayat aser municipal election nunga shilem agitsü asoshi memelar.

"Iba amala sentong ya Madhya Pradesh, Rajasthan, Andhra Pradesh, Odisha aser Haryana nunga inyakangogo aser item state nung election mapang candidate tem parnok tanur züngdang 'disqualification' sütsü, iba ajanga tanur raksa indokba, tanur tangar nem agütsüba maparen timba

aküm. Iba sentong ajanga lisopor temeden raksatsür. Anungji iba sentong ya Assam sorkari khen jungjunga bilemdangtsüla," ta Agrawal-i ashi.

National Family Health Survey 4 (NFHS 4) ajanga bushitetba agi, Assam nung Total Fertility Rate (TFR) ya India indang TFR 2.2 aliba den kasa lir. TFR tajemba akümba ajanga state nung nütsüng tajemba kümdaktsür.

Education nunga Assam ya tajemzükba tia nung lir. Assam nung küm 15 nungi 49 tsünga tetsürtem kakat shisatsü küm 10 tashi aser iba dak tali angazük alirtem shilem 26.2 dang lir, saka India ajunga nungbo shilem 35.7 lir.

Sample Registration System (2011-13) ajanga bushitetba agi, Assam nung Maternal Mortality Ratio (MMR) ya lakh 1 nung 300 lir aser India nung ibai timba lir. India nung MMR ya 167 lir. Infant Mortality Rate (IMR) nunga Assam ya kanga aika lir. Tanur 1000 taküm asoba nungi Assam nung 48 bo süadoker aser India ajunga nung 41 asür.

Assam nung 2005-06 mapang Sex ratio 1033 liasü saka 2015-16 nung 929 kümogo.

Tetsürtem university tashi angati züngdaksütsü sentong yangluba Assam sorkari sangdonga lir. Tanur ana dak tema alirtem sorkar mapa meinyaktettsü aser local election nung shilem magitettsü, ta iba kasa sentong nung inoka lir.



TIR YIMYIM

YIMOBILEM (EDITORIAL)

DIMAPUR THURSDAY, APRIL 27, 2017

Sannükertem ola

Khristantem reshikangshir yimten telok anema Aor Baptist sannükertemi nokdaksü aser election mapang nung vote meinoktsütsü renemba pangzüngji India nung Khristan yimsü anemertem anema tongpang ayongzükba mapa ka asütsü. Atangji, linük nung Khristan yimsü anemertem mapa tesashiba-tesashiba akümba agi sannükertemi iba ama telemtetba agitsüsa aküm südi ta angateter. Tanü asenok tamangertem ya temekonga masü aser tatsüka masü, tenüng agi amangertem kanga agia teimba, anungji yimten tashi (political power) aser rongsen bushidang asenoki Yisu amadoker aser mashi telok ka nung adener aser mashi-mashi inyaker. Iba jagi election nung dang takok ngurbo Khristan masüyonga ojang ta bilemba Naga nunger Khristantem rongnung yimten lenir aika lir. Aji oda, ruling government nung dang denra Khristan yimsü anemba telok nung adenyonga kecha masü ta bilemba Naga nunger Khristan aika lir. Iba jagi tanübo 'Naga lima Khrista asoshi' ta jembia-jembia Khristan yimsü anemer teloktem nemang Nagaland amokbangdaksütsüsa Naga Khristantem libaliroba angur. Atangji, Naga Khristantem onsara ochimashi aser majung aküm nungji, limapurtemang Khristan yimsü amangertem dang nungi ochitashiba inyakba angur. Ibaji Naga Khristantem asoshi taaktsüka aser tayongzükba tuluka asütsü. Iba jagi kuli tajung ka angu ama bilemba Naga nunger Khristan-tem aika Khrista yimsü anemba telok nung dendagi. Iba jagi parnok nem alima nung jangratema alitsü teimla ka agütsür. Iba telok jagi linük nung yimsü asütsü, anungji iba yimten tashiji amshia Nagaland nung yimsütsü maongka angutsü aser yimten tashiji amshia rongsen bendentsü ta Naga nunger yimten lenirtemi aikati bilemer. Iba ama alima teimla jagi tamangertem aika meyipsadagi. Aji oda, alima kintem dangi missionary meyirijang ter yoktsü purtem to Khristan anemba telok nung adentsü jangraba mapangji tang ya lir. Ibaji Naga Khtistantem asoshi tatidang tulu lir. Iba mapang ya, Yisu Khrista alima nung Pa mapa tenzüka maodang Pa dang mojingi alima chuba yimli ajak nü nem agütsüdi, nai long ajak yagi am kümdakjang ta atidangba amai lir. Iba kasaji tanü Naga Khristan-tem dang chuba yimli agütsütsü asoshi Naga nunger mulungjang aser tangatetba ajakji sen aser chiyongtsü agi süngdaksütsü ajungshir. Ibayongji, tanübo Khristan yimsü anemer telok asüyonga Khristan purtem den o tajung jembia terenlok mapa inyaktütsü meranger. Aji oda, asenoki sen aser amtsük dang aginür asünungji aji agütsür. Asenok Naga Khristantem dak yimten tangatetba mali, anungji shibai sen aser amtsük agütsür ta asüba tsütsü dang repranga anogo shia telok balala sülen anidaksü. Iba ama tamangba yimsü nunga jangjamajang aser yimten nunga tangatetba mali ta lenla nung tangar nem amtsük agi mesüzüdaktsüba mapang, Aor sannükertemi Khristan yimsü anemer telok nem vote magütsütsü ayimoktsüba olaji amangba purtem ajaki hau ta agizüktettsüla. Atangji, karibo Khristan yimsü anemba telok nungji dena shilem agi nungang Khristantem anema meinyakdaksütsü ta bilemetsüa akok, ajisüka ibaji mapa kuma inyaktüsbaji tamakoktsü asütsü. Khristan taküm ka liyonga aotsüba ya tanüla tongpang agi sünga lir aser aiben alima tsütsübo akoksatsüsa tensa mapang ajurutsü. Idangji, hon dang nungibo Yisuang shimdi ta asüba tanüla tangatetba nung peisasa telemtetba magitetra, tanübo ajunger amai asütsü saka asüng majungtsü, asenbo jangratema alir amai asütsü saka asen chirnurtembo meshimetsür jenjang nung timtema alitsü. Aji oda, asenok alima nung tasoshia linüra aser asen chinurtem nem alima senmang amangdaksünüra, tanü ajung masali saka Kibuba dak amanga tajung aser shitak inyakdi. MLA akümtsü mechi, mapa ka angutsü mechi mesüra sen tera angutsü mechi, tanü asenoki Yihuda Iskariot ama, Yisu yokadoker, Yisu anemertem den külemi sademsadema jangratema alitsü merangra, ibaji asenoksasa asenok soseta asütsü sentong yangluba den kasa asütsü. Iba ama lendong jagi maitsü asoshi tanü sannükertemi ayimoktsüdang, asenoka parnok sülen tashi angaa anidaksüla.

OLEMSABANG

AOR TEBUR KONANG SÜ SÜPANGSÜ/JENKOTEPSÜ/ MANGKOTEPSÜ, IBA SÜ KODA MERATAKET ASER TETEZÜ TULU AKETBA SÜ, YA KOMA ABENTSÜLA ASER YA SHIR SENMANG, ASER TAYONGZÜKBA OLEN KAR LEMSATEPER

- Wt. Sendongla Ungma,
Taoba Mendenbula, Watsü Mungdang

Mapang talangka nungi angatetdaksünüa aliba asen kin kongro tajunglartem dang ya rajemtsür.

Asen Aor lokti tentet balala benjongbentsü aser mungdang mongchi tulu alidang tebur konang sü ya agütsüteper. Saka kongro tajung aikati iba sü abentsüdang sü temulung nung noksa tapu balala aliba ajak to Langkoshishi sür abentsür. Iba yagi konang sü tetezü ajak raksatsür. Jenko dak nisung tekolak, shiruru temang aser noksa ajak to timi tekongtsütsü sür abentsütsü angazükdaksüner. Aser aji kibong nung tetsütemi rajema sayutsüla. Lokti kar nung anguba tetemsü wabong tajung katibo kongrulari süji langkoshishi (Mashileni) sür abentsüdang pai yakta repranger pasasa melenshia timi abener nokdak, yamaji angudang nibo kanga pela aser aji koda tajung, kechiyong iba sü ya tebur telemzük sü aser pai aji jangja meteta aliba ajiteter. Saka ano tebur aikati aji mejangjai yimdong nung aser lokti balala nung senzüdang koyimbo tim aser koyimbo mashi aji mejangjai abenersa angur, nibo indang indanga orr sa melenshitsür. Anungji tetsütem ajaki yamaji ajururua melenshijang, kechiyong iba jagi tebur yimli ludaktsür aser iba konang sü tetezü maka kümdaktsür.

Iba sü ya odang adokba masü asen Aor Chungliyimti lima alidang Otsüla nunger koda tesangra aser tekolak tulu liasü, par mapang tekolak bushitepba mapang, anungji teburtem tsükchir den rarateptsü tasü itdakja tekolak (Mangko) lepzüka bener arutettsü tetsüri ajungshi aser tebur dang nenoki mangkoji lepzüka bener arutetra konang naroküm mangkoteptsü taktsütsü ta ajungshir yok. Shitakba teburi mangkoji lepzüka bener arutet nung iba sü ya abentsü tetemsü ta takok konang tulu agütsüa taktsüba sü lir.

Asen Aor tebur sü ama tanga Naga kintsür shingaia inyakteta maka, State/National/International tashi nung mali. Iba konang sü ya tetezü tulu aketba sü noksa shia tetezü teratet taret lir, aser iba sü ya ajaki nükshia aginür. Kechiyong iba sü yabo kecha dena medemdangtsü makokba sü, iba yagi sayur asen Ao kinji ali pokdang nungi Tsüngremi tekolak, shisatsü, sempet aser yimli tulu moatsüa lir ta asenok ajaki angatetjemdi aser yamaji alitsü merangdi, peisasa mashioktsütepli.

Asen Aotsür (Watsülartem) asen Otsüla nunger Chungliyimti lima alidang koda tesangra, tayimjem, shisatsü tulu bener tasü itita ali, ya meyipa reprangdangdi. Kechiyong tanü Otsüla nunger senmang amangerji asenok asünung, asenoka tajung teindang dak rangloker tenükmerem melii ochi nung tayimjem shisatsü bener tasü itta asen Ao kin ajangzüktsü dak rangloker inyaka jajatsü merangtepedi ta ayongzükter.

Temalen shia aruba otsü ajakji iba ken Chungliyimti tsüri atenba
Longteroko poker-r menang aliteten zucker
Sari tesasoba cheta-kor-r Anar-r, Leser-r
Orong sari redder züni – shika tongtepakoni,
Oh Chungliyimti tsürtemi ayu lemtetsüba
Sari tongpang koker-r Arr ngainsür num
Mangu tepsü atatsüdi ta lemtetsüko ni.

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir

TENÜK-TELEN TABENSA TAKÜM KAJI KODA JANGRATEMSÜ LIR.

- R.Imkong Lkr., 4th Mile, Diphupar

Yangi Tenük-Telen tabensa taküm ta ser ojang asem agütsür, tetezüji nisung ka dak tekolok shisatsü peria aliba den kinük kisang shia nungi tenük amai abensaa ka ka aliba dangji ajatsü akok.

Iba lima nung takataiter-tem, tashitemetet-tertem, shisa akartem jenti lir. Item rongnungji takataiter-tem balaka parnok makatsü kecha maka, oda par rongsen tulu aliba yong jangratema alir. Saka sensakertem aser meshi-mejungertembo takatsü kecha maka nungji anarongtena pei takümtemji liyonga aor.

Tatishitsü agi nisung ka chuba menden nung mena liaka, paji tenük külen mejungi lira, pa atemabo takümji jangra matem alir. Kechiaser pai tenük külen nungiang anguba agibo temulung maleter, tetezü pa mulung masür aser pai ashir, ni yamai rongsen jenti liaka aser konang nüngsang peria ngua liaka ni ano langka ka agi mabensa lir. kechiyong ni iba lima nung alir tangar ama sadem sadema alimaji mepenzütet-ter aser tenük külen majungba agi tangar ama temulung nung pelaa mitet-ter aser teti nemjemseta dang alir ta pai ashi.

Yamaji nisung ka dak tenük-telen abensaa peria melira, oda tepanger shingai pa dang kecha meshiaka pai pa sasa ni ya meperiba taküm ka ta aiben dang nemjema bilemer. Asen meimchir taküm kai jak jungger amai bilemaka oda temeli tera majung "tata" tetezü o junga mejembitet-ter, iba jagi pai o jembidang tangari junga mangatet-ter aser ahir, kechi-ata tasa aiben ajemshia asüngdang, idangji pai pa sasa ni ya tangar dak aketba sempet tajung ka agi mabensa aser ni jembiba o-tem tangari menü-ja-sa alitsü südi ta pei mulung nung teti jashia nemjemseta bilema alitang, masa-mangatet tanur kari pa/la tang ashir, hai mitaba, hai mitala kongi aor ta shir tanur-ji jena oadoker. Idangji pa mesüra la mulung nung tu mokozü-a lunga jashidaksür aser bilemer, ni ya tangar menüdong ka kümdaksür. Aser ano nisung karbo tenarong agi jangjaa mangashiba purtem alir, aser tangari pa/la den jembidang karibo teka agi ayipdena jembir aser ano karibo pa/la temang nung temshijia mashitsür, hai nü den jembir ago ta ashir, aser ano karibo ola tulu agi ayimtena ashir, hai narongjakba, hai narongjakla tasa ajar. Idangji narongjakba aser narongjakla nung tua kasa nisungsa asünungji parnok mulungjang nung kanga jashia rasaa tang alir aser parnok mulungjang nung ashir, ni ya süng mesüra lung ka masü ser nung kü den o jembidang temang nung temshijia mashija dang alitsüba ya kechi amala taküm ka! Ta mapang shia kanga jashiasa bilemer.

Aser ano karbo tetsüng tera majungba agi jajadang joka-joka-sa jajar aser pai/ lai mapa tamajung ka inya masü ser nung tepangeri pa/la jajabaji ngur menütsür, aser yamaji menütsübaji pai-a angur asü nungji pei mulung nung oja-a jaa jashia alitang ano karibo ashir, tsüngtsükba, tsüngtsükla tu arudar ni-i tasa atalaa jembir, aser ano tiyaksang aketer karibo odi-odia dang ashir, hai tsüngtsükba, hai tsüngtsükla tanü-a kong nemten-ner ta sa asüngdang? Yamala nisungtemji odanga meima bilemetsüba dak alaka kari kang tiyaksanga tenüng tajungji jaloktsüdang pa mesüra la tubo temulung nung mi-a adoka jashidaksür aser item amala jashidaksüba nisungji odang kecha mataloki matem ta angatetdi. Aser ano nisung kar dabo temeyong mabensa mesüra talila adoka alir aser tangari pa/la dang kecha meshiaka pei sasa nema matanger aser pai/lai pei mulung nung asüngdang? Nibo ya koda asü? Yamaiang no! ta nemjemseta bilemer.

Anungji ibala purtemji shingai nemja mejembitsüla mesüra tarutsü mapangtem nung pei chinur dak kasaji ataloka atatsü. Aser ano nisung karbo tasodang nungi tepangmechi chimar alir aser pei sasa nema matanger aser iba tia nungji alitang pei sasa ni ya taküm tepiyong ki ayimtsü mesüra keyi-i aotsü asoshi/ (atema) tangari arendaka bilemetsü ta shisa tetsüka bulur. Iba ama tia ka nungji alitang karibo jakdaka ashir, hai bangchimaba, hai bangchimala tasa ajar. Aiatai! Ayatai! Koda temulung shirangtsüka ni mesüra naji tebangmechi chimar ali ka asü nung asen tang iba kasa oji kari ashi nungbo nia, naia kechi bilemlaa?

(Maneni taruba adok nung...)



Ao Baptist Arogo Mungdang Youth Ministry (ABAMYM) "Worship Central Training" ta sür sentong ka April 24 - 26 tashi Longsa Baptist Arogo nung akadang shisalen sayur den shilem agirtem külemi tangokba noksa nung angur. Iba sentong nung Zone 3 kübok Ongpangkong arogotem nungi teshimtet lanurtem adenshia temoatsü ngua agiogo. Iba sentong nung shisalen sayurji; Worship Central India Regional Director Jiet Syiem (JS) aser ABAM Youth Secretary Toshi Sanglir na liasü.

ANO GO ABEN TSÜNGREM DEN

AMITSÜR KA TAMANG SARASADEM

"Aser kodang Kibubai La angu, pai la dang aochia bilem, aser la dang ashi, 'Tejepma'". Lk 7: 13.

Nain yimti nung amitsür ka la akaba ajak agi jabaso ka liasü. La mangyim nüktzü nung alidang Yisu ajuru. La dak Yisu mulung puatsüsa la tamang tulu liasü. Ajeper saka Yisu dak teimla marakzüi amanga tasü mang bener leperi oa alidang Yisu ajuru.

Lai jagi ashir, Yisui la angu, telok tulu nungji jangja-jangja angu. Yisui la dang aochia bilem, aser la dang ashi, "Tejepma" Telok tulu saka la Yisui ajitet, Kechiba? La taküm tesüngjem, temerük la tamang, la mapa, taküm aliba tamangtsür.

Lokti tulu nungji tangar dang alia Tsüngrem metetba la dak Yisui angu. Yisui la mulungjang taroktiba nung tanüngba ajitet. La tanüngba tejak nungi Yisui aochia bilemetsüsa la tamang aser teimla liasü. La tamang ama Yisui nü dang aria aochia bilemetsüba asenoka lir mali? Shisadangi.

Asen taküm aser kibong nunga teblemetsü ali asü mali iba asoshi asenia koda taneptsü lenmang bushir. Lai temulungjang telongtiba nungi ajemalua khuret aben. Tsüngremi sayatenya inyak. Jabaso tasü nungi shia arudaksü. Asenokia la nungi tanela lesson agidi aser Tsüngrem bushidi.

SARASADEM :

O Kibuba, ni Nü dangi menen khuret bener arur; ni agizükangma. Amen.

PELABA METETDAKTSÜR



Tsüngremer tejembiba ka lia Anugrah Nepali Church Telam (Assam) nung Revival ka agütsüsa asoshi kong nungi teyari arutsü ta sarasadema alidang, Alongtaki Arogo nungi item adianutem: Mr. & Mrs. S.Wati (teacher), Mr & Mrs. Medem, Sashimeren, Ayangla, Chongmai, Rongsen, Wapangmongba, T.Lanutemsu, T.Bendang, Repa, I.Chujang, Toshila, Ajungla, Arenla, Nukshilemla.

Parnoki tenla tulu agütsüba ajanga Shi aser Tanüla nung jentipur taneptsü ngua kanga dang temoatsü nung Revival 20-23rd April 2017 nung agitetogo, nenok tenlartem jak dang kanga pelar. Tsüngremi nenok kija aser kibongtem tali moajang ta onoki sarasademtsür.

-B. Arenla, Yajang 'C'

Xinjiang okadaki kati Khristan 5 merenshir

Changji, Xinjiang, April 26 (Agencies): China kübok Xinjiang nung April 18, 2017 nü okadaki kati Khristan pungu nem temerenshi agütsü.

Par punguji Bible study agitsü sentong atongba nung shilem agiba atema tai tonglokja küm 3 nungi 5 tashi tepuokdak ayutsü temerenshi agütsü.

Changji, Xinjiang nung aliba okadaki kati Yang Zhaojun aser Wang Lulu na küm 5, Cheng Yajie küm 4 aser Liu Yan o Zheng Lan na küm 3 tepuokdak ayutsü obendang agütsü.

Yaküm October ita ketdangsertemi Khristantemji oziung alema adenshiba aser tena raksatsü atema telok sentepba onüktem nung tai tongloktsü.

Parnokji Zheng Lan'er kidang nija Khristan sentong ka nung adentsü atema adenshiba liasü. Okadaki Khristantem

atema okatsürtem dang osang kecha meshiidang obendangji agütsü.

"Obendangertemi ken o aibelen meyipzük aser temerenshi tulu agütsüogo. Kodaser nija sentong ka ajanga tensa raksatsütsü? Public security bureau-i parnok tashi alema inyakogo" ta parnok atema okatsür kati ashi.

March 5, 2016 nü Zheng'er kidang Khristan pur 50 dak tema adenshi aser iba mapang parnok Lai bushi aser o jembiba anga. Iba atema ketdangsertemi par pungu dak tai tongloktsü.

Yang aser Liu nati sentongtem agitsü achayang aser sentong nung adenertem anir senzü ta ketdangsertemi aitsür. Tena dak alia par asemji tongti aibelenertem ta ketdangsertemisa tai


OLONG PAITEP # 4404

1		2		3			4			
5										
					6			7		
		8								
		9						10		
	11									12
			13		14	15				
16										
					17					
18										

TIPILEN		LANGTSÜNGLEN	
3. Tarutsü asoshi nukla	- (7)	1. Zülüjang	- (5)
5. Tzuma nung senzuba	- (5)	2. Lemzüksüba	- (6)
6. Tebilemba	- (5)	3. Tekong sobutsü	- (4)
8. _ _ _ _ long	- (4)	4. Tarak	- (4)
9. Tembar	- (7)	7. Tzuma nung senzuba ka	- (3)
14. _ _ _ _ shin	- (4)	10. Timba aküm	- (6)
16. Ajak wara	- (5)	11. Meshidak	- (3)
17. Temeshi tentet	- (5)	12. Yong-i atakba oset ka	- (5)
18. Teyari o	- (7)	13. _ _ _ _ shiruru	- (4)
		15. Mechinüi aküm	- (4)

OLONG PAITEP # 4403 TELANGZÜBA

TIPILEN :	LANGTSÜNGLEN :
1. Menungra, 6. Orak, 7. Mimong,	1. Medemer, 2. Nusem, 3. Nisung,
8. Aika, 11. Rata, 14. Tiyazü,	4. Aoksa, 5. Tapok, 9. Azüpong,
16. Anembong.	10. Timtem, 12. Aginü, 13. Anema,
	15. Apuso.



ALOKBA BAZAR-I ALO ALITSÜ TEBUI YOKER :

Tebu : Hi!! Alok, nabo bazaar-i lur alo jenjang dalangba ka bushia seret 10 alia bener atung.

Alok : Hi!! Malik.... Alo seret ka nung jenjang kwi

Malik : Seret nung senpak 25/-

Alok : Kanga tasak, jenjang dalang koba nung angutsü?

Malik : Alo lu ayimdak Assam lima nung angutsü.

Alok : Kanga pelar. (Alokba Assam-i Alo dalang agi alitsü atema lur atur)

Tebu : Alok, kechiba anogo ana tashi kidangi meshilang ??? Alo bazaar nung mali asü koda?

Alok : Oba, nai jenjang dalang agi alir arung ta ashiba agi ni Assam-i lur alia bener arur...

Tebu : Oh!! Alok..... Suwar....



Lilir : IK, Dimapur

TANÜBO NAI LANGZÜANG

Q: 2016 Dada Saheb Phalke award shibai angutsü ?

[A] Mrinal Sen [B] Adoor Gopalakrishnan

[C] Soumitra Chatterjee [D] Kasinadhuni Viswanath

(Taruba adok nung onoki langzüksü)

YASHIADOK TELANGZÜBA : South Korea

Happy Birthday

TENÜNG : MEDEMJUNGLA JAMIR (SÜNGRATSÜ)

Tasoba anogo : 7th April
 Küm : 4
 Class : LKG
 School : St. Marys Hr. Sec. School
 Talidak : Padumpukhuri, Dimapur
 Teyanglur Tsüngremi jala Medemla küm 4 tashi arishi moaja anir aruba atema Tsüngrem tenüng asanger. Ano maneni Tsüngremi jala nem arishi aser anema aliba moajangma ta sarasadmtsür.




- Temeim tsürabur, baby Pursen, otsü, obou aser kinungertem

NAIA YA METETER MA

NUCLEAR TASHI ALIBA TEMABA LINÜK 10:

1. Russia
2. United States
3. France
4. China
5. UK
6. Pakistan
7. India
8. Israel
9. North Korea
10. Iran



SUDOKU # 3517

TELANGZÜBA # 3516

7	4	2	1		3	4	2	3	5	7	8	1	6	9			
2	3			5	1	4	8	9	7	2	1	6	4	5	3		
6	1	5	3	8		7	5	6	1	9	3	4	8	7	2		
8		1	7		6	4	9	6	3	8	7	4	5	9	2	1	
		6	1			5		7	4	5	1	2	9	3	8	6	
	4			9	3	2		1	2	1	9	6	8	3	5	4	7
4			9	7		5		1	8	4	3	6	7	2	9	5	
		2			1	4	9		9	7	2	8	5	1	6	3	4
	5				8				3	5	6	4	9	2	7	1	8

OJANG LUTEP # 4009

ONGJTELEM :

AKMAI :

EPI :

EIP :

SESAF :

NNUG :

NGDA :

IKRNYAA :

TOKAK :

GUTSMANÜ :

OJANG LUTEP TELANGZÜBA # 4008

SHISATAKA NISUNGTEMI TANÜ AJUNGA
 ASAA MASÜ TARUTSÜ ATEMA BILEMA INYAKER

Anü ita petinu ajanga alima nung tsüngsang mopung melenshidaksüba ama nisunger tia-a melenshidaksür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):

- 

Aries
21/3-19/4

Tanü na azüngmeyakaba tesem nung alitsü mebilemtsüla. Nü anogo jungdaksünüra asüküma mebilemi nü mapa nung temolung agüjang.
- 

Taurus
20/4-20/5

Tanü maparen aika nung temolung meranga bilemtsü aser tangar dak nungi bila linütsü. Iba amala mapang nung nü mapa inyaksü junger.
- 

Gemini
21/5-20/6

Nü mapa angateta inyaksü asoshi nai mapang peria agiang. Nai tangar den o mejembinüba ama tangara lir. Anungji nü mapa nung temolung agütsütsü mapang tajung.
- 

Cancer
21/6-22/7

Nai tanü nisung aika kanga mazüngi ajurutsü. Anungji tanü nü mapa nung temolung agüja inyaksü asoshi mapang tajung asütsü.
- 

Leo
23/7-22/8

Telemtetba kar nung na tekolak süa shilem agitsü jangratsü, saka tanü nü mapa nung temolung agütsüba tajungtiba asütsü.
- 

Virgo
23/8-22/9

Tangar ama tanü na mapa nung temolung agüja inyaksü tajungba asütsü, saka nü mapang aser nü tashi yari dang inyaksü bilemtsüla.
- 

Libra
23/9-22/10

Tanü nai mangatettep ken o kar ajurutsü südi. Nü dak sempet melira nai item mangatettep nung shilem magie nü mapa nung temolung agütsüba tajungtiba asütsü.
- 

Scorpio
23/10-21/11

Tanü na lenmang shidak nung jajara lendong timtem majurutsü. Nü mapa nung nisung kari meinprongtsü, tongtipang sürea parnok takinüba nai angang.
- 

Sagittarius
22/11-21/12

Tanü na kija alitsü tejangraba arutsü südi. Nü mapa aser kibong nungi nai mapang agiteta nü tejangraba inyakang aser iba ajanga temolung anisüngzüksü.
- 

Capricorn
22/12-19/1

Tanü nai nü mapa nung terenlok angutsü aser iba ajanga na pela alitsü. Nüngdak makaba nung nü mapang meindok tajungba asütsü.
- 

Aquarius
20/1-18/2

Tanü nai jembishinüba nung shilem magitsü saka zülu-panglu nung temolung agüjang. Nai terenlok aliba mapa nung shilem agitetsü südi.
- 

Pisces
19/2-20/3

Na meketa aliba nisungtem yimya ngua nai mapa inyaksü tejangraba balaka arutsü südi. Nü tashi yari anisüngzüksü mapa inyakang aser nü mapa nung terenlok alitsü.

Saina Nehwal taküm otsü film nung Shraddha Kapoor-i shilem agitsü



April 26, 2017 (Agencies): Bollywood actress Shraddha Kapoor taküm kum tsüngda nung Haseena: The Queen Of Mumbai, Half Girlfriend film nung shilem agiba sülen tawa Saina Nehwal indang taküm otsü film yanglutsüba aliba nung shilem agitsü asoshi janjgaogo. Romantic drama Aashiqui 2 nung shilem agiba sülen la nungtugu aküm aser tawa Amole Gupte-i direct asütsü aliba India tsür nungtugu badminton asayar Saina Nehwal taküm otsü film nung lai shilem agitsü. Shraddha-i

Twitter ajanga la nem iba maongka agütsüba atema pelaba lemsatepa liasü. "SAINA NEHWAL- taoba mapang tetsür badminton asayar rongnung world No. 1. India tsür. Nisung aika asoshi nükrangdong. La temaba jenjang tongtetba otsü kana jangratemtsüka lir aser ni 'SAINA' film nung la shilem agitsü asoshi maongka anguba atema kanga pelar," ta lai zülutsü. Lai maneni ashiba agi, la tang tashi inyaka aruba mapatem rongnung iba mapa

ya tasakba asütsü. "Film atema renemshitsüba kanga tasak asütsü. tana tashi film nung shilem agia aruba rongnung iba film nung shilem agitsüba ya tasakba asütsü," ta lai shisem.

Aji saka Bollywood nung nisung taküm otsü film yangluba nung shilem agiba la asoshi tang ya mezüng masü. Anogo ana tejakdang ang la Haseena: The Queen Of Mumbai film nung Dawood Ibrhaim tenu Haseena Parkar shilem agiba poster sayaa liasü. Bollywood nung asayartem taküm otsü aika yanglua arudar. Farhan Akhtar-i Bhaag Milkha Bhaag film nung, Priyanka Chopra-i Mary Kom film nung aser Sushant Singh Rajput-i MS Dhoni: The Untold Story film nung shilem agiba ajanga parnok career nung kanga tongtibang shilem agiogo. Anungji 'SAINA' film nung Shraddha-i shilem agiba ajanga la career temaba jenjang kati ajungkettsü imlar.

Salman Khan-i pa Bodyguard 3 mapa nungi anentsü

April 26, 2017 (Aegncies): Salman Khan ya Bollywood nung ajaki kanga dang meimba actor ka lir. Pa dak taidok aser molungso yimya ajaki meteta lir aji saka ano meshidaki inyaktertema pai merenshiba yimyaa ajaki jangjaa lir.

Osang ajanga ashiba agi, pa indang juri osang prokshiba nung temolung melemba ajanga tawa pai pa indang bodyguard asem mapa nungi anentsüogo. Item rongnung bodyguard Shera bo densema mali.

Osang ajangasa ashiba agi, Salman bodyguard temi pa juri osang media nem agütsüba ajanga pai parnok mapa nungi anentsütsü asoshi lemtet. Iba amala yimya benshiba nung kanga tezüdanga pai par asem mapa nung anentsü.

Maneni Salman-i pa par kibong nungi piladaksüba atema pa manager Reshma Shetty hopta ishika tejakdang mapa nungi anentsüa liasü. Osang ajangasa ashiba agi, Reshma-i Salman pa tenu Suhail Khan den ajurutepdaksütsü kangabo memolungi liasü.



Julia Roberts-i Lionel Messi aser Cristiano Ronaldo ajuru



April 26, 2017 (Agencies): Hollywood actress Julia Roberts-i El Clasico FC Barcelona aser Real Madrid na asayaba anogo nung nungtugu football asayar Lionel Messi aser Cristiano Ronaldo na den ajurutepa liasü. Julia ya Hill, Pretty Woman aser Ocean's Eleven film tem

nung shilem agiba sülen kanga nungtugu aküm. La par kibong den Santiago Bernabéu Stadium semdangba mapang parnok ajurua liasü. Julia-i Real Madrid star Ronaldo, Luka Modric, Marcelo aser manager Zinedine Zidane nung den tangokba noksa Twitter nung inokja liasü.

Maneni lai Santiago Bernabéu Stadium semdangba mapang FC Barcelona star Messi den tangokba noksa lemsatepa liasü.

Julia Roberts November itaa Manchester United stadium Old Trafford nung united aser West Ham asayaba mapanga stadium nung asaya repranga liasü.

TAN HOPTA ATEMA - KOMA SÜLA ?

Q. Taruba election nungbo constituency shia nung political party aser Independent party shia Fund Raising Committee shima candidate yari nunga koma süla?

Olong 20 shi nung April 28, 2017 tashi nung iba telangzuba ya onok dangi
e-mail - tiryimiyim@gmail.com mesüra SMS - 9856121232 / 9436072422 mesüra Tir Yimiyim Facebook account ajanga yokang. Telangzubatemi taruba Hokolbar nü adoktsütsü.

Data atema tetoktepba maneni alitsü; Jio indang angati sentong atsülangtsü akok



New Delhi, April 26

(Agencies): Reliance Jio ajanga sentong balala maneni yangluba ajanga 2018 küm data atema tetoktepba kasa alitsü, ta osang ka ajanga ashi.

Shilem 15 agi timba kümdaktsütsü nükjitong nung Jio ajanga jenjang kanga agi tajemba aser 'complimentary' sentong balala ya ita 12 nungi 18 tashi maneni agütsütsü, ta osang kaket ka nung shia lir.

Iba sentong ajanga tanga

network amshirtema dak maneni kongshitsü

"Jio-i taoba küm tatemlen nungi agütsüba sentong balala ajanga Bharti Airtel, Idea Cellular aser Vodafone India indang Average Revenue Per User (ARPU) sen 300 tashi dang kümdaktsüogo," ta osang nung shia lir.

Jio indang network toluba kümdaktsütsü nükjitong nung iba network ya tesem talila lakh 1 nung amenloksü sentong yangluba mapang lir.

Reliance Jio ajanga iba angati 4G service ya 2016 küm September 5 nung saya aser iba network amshir ya anogo 83 nung nisung million 50 dak tali aküm aser anogo 170 nung züngsem million 100 ajung. Iba ya anogoshia züngsem

akümer lakh 6 amai adoker.

Iba company ajanga April 1 nungi tenzüka sen agir saka Jio Prime sentong dena lir.

Jio Prime nung züngsemtsü asoshi khen atema sen 99 agi züngsem akümer aser ita shia taa agütsütsü asoshi sen 303 nungi tenzüka sentong balala agütsür. Jio Prime züngsempur asoshi ita shia sen 309 agitsü sentong ka company ajanga sangdong.

Reliance Jio sayaba ajanga India nung telecom company temaba jenjang nung alir asem tashi kanga akoksadaktsüogo, ta osang ajangasa ashi.

Taoba küm September ita nung iba angati sentong ya ita 6-shi asoshi sayaba sülen linük nung data agiba nung shilem 55 bo Jio indang liasü.

Nokia 3310 online nung sen 3,899 agi angutsü



April 26, 2017 (Agencies):

Nokia 3310 phone ya OnlyMobiles nung sen 3,899 agi ayoktsü asoshi bendenloka lir aser May 17 nungi ayok tenzütsü. May 5 nungi tenzüka iba phone alinertemi jelia mekaa yutettsü.

Nokia 3310 ya Austria aser Germany nung April 28 nungi tenzüka ayok tenzütsü. Iba phone India nung taruba ita nungi angutsü imlar, saka Nokia company ajanga osang tejangjabo tang tashi agüja mali.

HMD Global ajanga Nokia 3310 ya taküm February ita Barcelona nung Mobile World Congress amondang sayaa liasü. Kangadang nungtu phone Nokia 3310 yanglushir adokba nung maneni 'Snake game' dena lir.

Classic Nokia 3310 phone ya jenjang temaba nung ajungketogo saka iba phone ya

maneni 'feature phone' dang asütsü koba nung battery tashi ajanga 'stand-by' nung ita ka tashi taküm litettsü.

Nokia 3310, 2017 edition tereprangtsü ya tejenba phone den mesükteper saka iba phone tasenba ya colour nung, screen tuluba aser tesülen camera keta lir aser tejenba phone dang nungi tapuba lir.

Alima ajunga nung Nokia branded phone tem design süa ayoktsüba den külemi Nokia Corporation-i yanglutetba technology ajak amshitettsü asoshi HMD Global ket nung licence lir. Nokia 3310 tasenba nung 1200mAh battery keta lir aser iba battery ya agizüktsü akoker.

Iba phone ya sentsü tapu 4 nung angutsü- temerem, wakong, anüng sentsü tamang aser aut sentsü nung angutsü.

Metsü ajema achiba ajanga BP tajemba mekümdaktsür

New Delhi, April 26

(Agencies): Metsü ajema achiba ajanga Blood Pressure (BP) majemdaktsür mesüra nisung ka 'hypertension' nungi kümzüka mayor, ta bushisüngdang tasen ka ajanga ngutetogo.

"Onoki 'sodium' ajema aliba chiyongtsü achiba ajanga BP ajemdaktsüba nung teyari agütsüba temaitsü kecha mangu," ta Boston University School of Medicine nung Associate Professor of Medicine, Lynn Moore-i ashi.

Iba bushisüngdang tasen ya 'Experimental Biology' 2017 senden Chicago nung April 22 nungi 26 tashi amondang

lemsatepa liasü. Iba bushisüngdang tasen ajanga tang America nung atema chiyongtsü achiba yimya nung tetyuyba agüja aliba nung tashishitsü adokdaktsür.

"Onoki ngutetba ajanga tang 'sodium' achiba yimya nung tetuyuba agüja aliba ya meshidak ta ngutetogo," ta Moore-isa ashi.

2015 nungi 2020 tashi America nung atema 'Dietary Guideline' nung, anema aliba nisung kati anogo nung 'sodium' milligram 2,300 dang achitsüba tetuyuba agüja lir.

Iba asoshi bushisüngdang temi 'Framingham Offspring

Study' nung shilem agir arishi küm 30 nungi 64 tashi nung aliba nisung 2,632 asadanga liasü.

Iba bushisüngdang tenzükdang parnok ajak BP shidak dang liasü.

Aji saka küm 16 tsüngda parnok asadanga arudang bushisüngdangertemi ngutetba agi, parnok rongnung anogo nung 'sodium' milligram 2,500 dak tali achirtem dang nungi anogo nung 'sodium' milligram 2,500 dak tajemba achirtem BP tajungketba liasü.

Item nisungtem dak nungi maneni ngutetba agi, 'potassium', 'calcium' aser 'magnesium' aika achirtem dak BP tajemba aliba ngutetba liasü.

Google indang 'Project Owl' ajanga osang taila nokdangtsü

April 26, 2017 (Agencies): Osang tiazü prokshiba, tangar anema o tamajung jembiba aser Google 'Search' nung temolung yirutsütsüsa aser tim masüba osang agütsüba nungi nokdangtsü asoshi Google indang 'Search engine' nung temelenshi agütsütsü.

Google indang Search engine amshiba mapang item amala tim masüba osang nokdangtsü asoshi 'Project Owl' sentong tasen ka tenzükogo.

Iba amala timtem nungi kümzütsü asoshi Google ajanga

nisung telok ka densema mapa inyadaktsür, ta osang ajanga ashi.

Company ajanga temelenshi tuluba agütsüba, Google indang Search engine nung bushisüngdangba mapang pasasa ojang balala sayuba (auto-complete function) agienogo.

"Tarutsü nung tajangzük tuluba aser tajungba agütsütsü asoshi nükjitong yur, tanü onoki mera tasen ka agir. Iba sentong nung 'Search ranking' tajungba, 'feedback' tem indang indanga agütsüteter aser temerikba lir," ta Google-i sangdong.

Google nung bushisüngdangba mapang tim masüba yimya mesüra ashishiteptsüla osangtem sayura, company nem indang indanga metetdaktsütsü asoshi 'feature' tasen inokja lir.

Google amshiba mapang tamshirtemi telangzüba agütsütsü asoshi sentong ka inoka lir. Google lapokba nung 'line' ka lir aser iba 'line' nungji kongshira tasüngdangba kar pasasa sayutsü. Aser iba ajanga tamshirtemi telangzüba balala agütsütettsü.



Guwahati, Apr 26 : Mongulbarnü Guwahati nung Assamese kentener Sudakshina Sarma nem Beltola Boghagi Utsav 2017 tir, Ratul Baruah aser züngsemtemi Dr Bhupen Hazarika Award 2017 sempet agütsüba noksa nung angur.



Mumbai, Apr 26 : Bodhbarnü Mumbai nung Priyanka Chopra-i Hollywood film, Baywatch atema osangbener den senden ka amenba mapang tangokba noksa nung angur. 'Baywatch' film ajungkettsü asoshi Priyanka Chopra-i sentong balala ajanga nüburtem den sensaksem alitsü tenzükogo. Lai iba film ajungkettsü asoshi mezüng India nung tenük rangloker tenzüker.

Shah Rukh 'TED Talk' nung shilem agitsü

April 26, 2017 (Agencies): Bollywood actor Shah Rukh Khan-i 'TED Talk' sentong nung mezüngbuba shilem agitsü asoshi Vancouver-i ogo.

Pa shilem agitsüba osang Twitter ajanga lemsatepa liasü. Shah Rukh-i pa noksa ka den yamai zülutsü. "TED Talks nung shilem agitsü asoshi Vancouver-i aoer."

TED Talks achaayanger Juliet Blake-i Twitter nung

yamai zülutsü, "Iba hopta 'TED' sapang nung @iamsrk shilem agitsüba yongyaa atar."

Iba tweet nung Shah Rukh-i yamai telangzüba agütsü, "Iba sentong nung shilem agitsü kanga yongyaa atar aser ni jembitsü renemba onük bilemetta jembitettsü imlar."

Iba sentong nung SKR dang masü saka Serena Williams aser Elon Musk nungeria shilem agitsü.



Hyderabad, April 26, 2017 : Bodhbarnü Hyderabad nung Osmania University kum 100 ajungba benjungmung sentong nung linuk Tir, Pranab Mukherjee, Telangana aser Andhra Pradesh Angh, E S L Narasimhan, Telangana Chief Minister, K Chandrashekhara Rao, Minister of State for Labour and Employment (I/C), Bandaru Dattatreya aser tanga ketdangsertem adenba noksa nung angur. Osmania University ya public state University ka lir aser iba ya 1918 kum teneta liasü. Iba University ya University Grants Commission, National Assessment & Accreditation Council aser Association of Indian Universities den affiliate süa lir.

BJP-i Delhi Municipal election nung takok angu

New Delhi, April 26

(Agencies): Bodhbarnü BJP-i Municipal Corporation of Delhi (MCD) election nung takok nguogo, parnoki MCD asem nung asem tashi atonga takok angur.

Tamakok magizükteti AAP-i EVMs dak tai tongloksüogo.

Kum ana tejaklen Delhi assembly election nung AAP-i assembly menden 70 nungi menden 67 tashi nung takok anguba sülen kum ana lir tang AAP-i Municipal election nung tamakok angur.

Tanü MCD election nung takok anguba atema BJP-i Ato kilonser, Narendra Modi ajanga lir ta tenüngsang agütsüogo.

Ano külen Congress-i tamakok anguba atema Delhi Congress tongti, Ajay Maken-i tenüng agiogo, aser pai pa menden nungi anentsü ta

sangdongogo.

North Delhi Municipal Corporation (menden 103) South Delhi Municipal Corporation (menden 104) aser East Delhi Municipal Corporation (menden 63) atema tokteper candidate ajak agi parnok 2,537 liasü.

Ano külen Aam Aadmi Party (AAP) MLA, Alka Lamba-ia AAP-i lar constituency kübok menden ajak nung party-i tamakok anguba atema lai tenüng agia party menden ajak nungi anentsü ta sangdong.

"Kü constituency kübok ward asemprong nung party-i tamakok anguba atema ni tenüng agir aser ni party menden ajak den MLA menden nungi anentsü," ta ashi.

AAP lenir aser Delhi Deputy Chief Minister, Manish Sisodia-i, Delhi nüburtemi BJP nem vote

sashia inoktsütsüsa kuli mali. BJP-i vote ishika tetsüngda agi akok nungbo ibajibo tagizüktetsü, saka vote tetsüngda aika aliba ya mamangteter, ta ashi.

Lokti lenir, Anna Hazare-ia taoba mapang pa den külemi atongsema inyaker, Delhi Chief Minister Arvind Kejriwal aija, "Nüburtemi pa nem tashi agütsü aser linuk tesem ajungai tatishitsü agitsüsa Delhi yangertsü asoshi pai maangka angu. Saka tashi anguba ya majung. Na kodang yimsüsüba menden nung mendir, nü dak teshisadanga tashi samar," ta ashi.

MCD elections nung takok anguba dak sentakba nung tanü Ato kilonser, Modi-ia, Delhi nüburtemi party dak tamang katetba atema pelar, ta metetdaksü.

J&K-i Kashmir nung ita ka Internet Services anentsür

Srinagar, April 26

(Agencies): Tanü Jammu & Kashmir sorkari Kashmir nung ita ka piyong internet services anentsütsü atema tetuyuba ka agütsüogo.

Home Department-i, sangdong tasen ka magütsü tashi Kashmir nung internet services ita ka anentsütsü, ta metetdaksü.

Indian Telegraph Act aser Information Technology Act kübok agüja aliba tashi nung ajemdaker state home department-i internet services anentsür, ta ketdangsertemi metetdaksü.

Tang tashi nungbo iba tetuyuba jagi internet services ajak kongshitsü asü mobile internet services dang

kongshitsü'ar mejangja, ajisüaka mobile internet service bo April 17, 2017 nü nungi anenja lir.

Security sepaitemi tashi alia amshir, ta aija kaketshirtemi longkak ait tenzükba sülen olulu proka tensa tamajungma mekümdaksütsü nükjidong nung Hombarnü mobile internet services anenja liasü.



New Delhi, April 26, 2017: Bodhbarnü New Delhi nung Union Home Minister, Rajnath Singh-i Democratic Socialist Republic of Sri Lanka Ato kilonser, Ranil Wickremesinghe ajurua senden amenba noksa nung angur. Sri Lanka leniri anogo pezünü atema India semdanga lir. Pa yashi New Delhi tonga aruba sülen pai India lenirtem aika ajuruogo.

CPI lenir Raja-i Sonia Gandhi ajuru

New Delhi, April 26

(Agencies): Communist Party of India (CPI) lenir, D Raja-i New Delhi nung Congress Tir, Sonia Gandhi ajurua taruba Tir election atema o lemtepo, iba senden nungsa pai Congress lenir dang secular partry tem longjemer Tir candidate ka shimtsü atema party-i melunga lir, ta metetdaksü.

Sonia Gandhi den senden tembanga amenba sülen osangbenertem den jembidang Raja-i, "Iba senden nung Tir election atema-a süoka jembiego. Tir election nung ozü party tangatetba ni la nem metetdaksüogo. Longjemer candidate ka shimtsü atema onoki tanga secular party tem den obang ka sür inyaksü melunga lir," ta ashi.

"Onoki tanga party tem dena jembidar. Longjemer candidate ka shimra ibaji junger asütsü," ta paisa ashi.

Raja-i ashiba agi, iba senden nung candidate ji shiba shimtsüar iba indangjibo mejembi.

"Onoki ashibaji lai (Sonia) angadangogo aser kü den ai-aura kaogo. Laia nisung aika ajuruogo aser tangartem ayongdentsü meranger," ta Raja-i ashi.

Raja-isa, iba senden nung tang linuk yimtenren tensa indanga jembiego aser nashi kumzükba onüka jembiego, ta ashi.

"Linuk nung akhümsübutep maliba kanga bulua kümdar, aser nüburtem longjemer ibaji nokdangtsü atema tensa-i akhanger, aser laia iba nungji ai-aura akar," ta pai ashi.

Taoba hopta nunga JD(U) lenir aser Bihar Chief Minister Nitish Kumar aser CPI-M General Secretary, Sitaram Yechury natia Sonia Gandhi ajurua Tir election dak sentakba nung o lemtepa liasü.



Thiruvananthapuram, April 26, 2017: Bodhbarnü Kerala yimtiba, Thiruvananthapuram nung kibong kati Kerala Secretariat kima longkak aitba noksa nung angur. Sorkari medical teyari magütsüba ajanga par chir arishi ita pezü tanur asü ta shia parnoki longkak aitba noksa nung angur.

India-i Pak dang Jadhav chioktsü mepishir

New Delhi/Islamabad, April

26 (Agencies): Bodhbarnü Islamabad nung Indian High Commissioner, Gautam Bambawale-i Pakistan Foreign Secretary, Tehmina Janjua ajurua India senso, Kulbhushan Jadhav nem tasüba temerenshi magütsütsü atema temepishiba shidi ka agütsüogo.

Iba senden tembanga sülen osangbenertem den jembidang Bambawale-i, "Onoki temepishiba ka agütsüogo, aser Kulbhushan Jadhav tekaraba nung chiokdaksüner," ta ashi.

Pakistan nunger ozüng inyakyim nung- obendang ka agütsüba sülen anogo 40 tsüngda nungsa temepishiba agütsütsü.

Jadhav-i itangitiba mapa inyakogo, ta shia April 10, 2017 nü Pakistan nunger military court kati pai aitsü aser pa nem tasüba temerenshi agütsütsü obendang agüja liasü.

India-i agütsüba

temepishibaji Pak Army Act Section 133(B) - Court of Appeals nung agütsüogo.

Tanü senden amendang Foreign Secretary, Bambawale-isa Kulbhushan Jadhav ajurutsü atema temelaba agüjang ta takhangba agütsü.

Tesüiba kum ka tsüngda India-i 13 ben tashi arishi kum 46 Jadhav ajurutsü atema mepishia liasü saka Pakistan-i khen danga magizük.

April 14 nüa senden amendang Bambawale-i Januja dang Jadhav anema benokba onüktem aser Jahhah nem obendang agütsüba meshia liasü.

Tan ita tetenzüklen Field General Court Martial-i Jadhav nem tasüba temerenshi obendang agütsüba sülen India-i Pakistan dang, ozü senso nem iba temerenshiji agütsüra ibajibo asa-a nisung tepsetba asütsü aser linuk ana tesendaktep mejungi raksatsü, ta shia lir.

Islamic school nung züka merenshiba sülen tanur ka asü

Kuala Lumpur, April 26 (Agencies): Arishi küm 11 tain Malaysia nunger ka Islamic school nung züka merenshiba sülen tetsüing anaprong rangdoktsüsa aküm, saka pa temang tamajungba akümbe sülen Bodbarnü süogo, ta Bernama osang ajanga metetdaksü.

Johor state nung Islamic religious school ka nung tanubosang den tanga tanurtem

dak assistant warden-i tzü pipe kati tetsüing nung azük, ta district police ketdangser Rahmat Othman-i osangbener dang ashi.

Hopta ana tejaklen tanobosangji mozükidang anepalutsü anioka liasü. Pa tetsüing anaprong shizüka aoba nungi kümzüksü atema doctor temi tetsüing anaprong rangdoktsüsa aküm aser iba sülen pa süchia ao.

School nung assistant warden ji taoba Honibarnü apu.

"Onoki mozükidang nungi medical aser autopsy report tem anguba sülen ang teinyaksü tim inyaksü" ta Rahmat-i ashi.

Iba tatalokba ajanga "tahfiz" school tem jungjunga mita reprangtsü atema ola adoktsü tenzükogo. Item school nung kaketshirtem nem Koran temulung agi akoktsü atema sayur.

Item school ya nijatemi

lapoker aser education ministry kübok masü saka state religious department tem nung zülüoker, ta child & education activist temi ashir.

"Tanü anogo tashi nung tahfiz schools ya shirnoki temelaba agüja lapoker'ar memetet" ta Parent Action Group for Education chairman, Noor Azimah Abdul Rahim-i osangbener dang ashi.

Mongulbarnü Prime

Minister Najib Razak-i tahfiz education renloktdaktsütsü atema 30 million ringgit (\$6.9 million) fund agütsütsü osang metetdakja liasü aser paia tanubosang asüba atema mang ayimba metetdaksüogo.

"Iba dak sendakba nung bushisüingdang ka asütsüla aser aibelenba lira, ozüing tapet agi merenshitsu" ta Bodbarnü Razak-i Twitter account nung ashi.



Iba tongtipang **Abulhasan Ali Nadwi** anogo nung azükaru mapang ka tenzükary

Sovereign Gold Bond scheme ya shisabulu kecha makai hon nung rizünga ayutsü atema maongka ka lir. Nüborterni iba scheme asoshi kanga jangrabangraba angudang ni kanga pelar.

- Narendra Modi

Timtem melii rizünga ayuba ajanga nür kibong kümzüka yuang tarutsü tajung ka asoshi

SOVEREIGN GOLD BOND

Series-1 of Financial Year 2017-18

Tangutsü tetemlok @2.5%p.a

Gram shia ` 2951 rizünga sülen ita 6 shia angutsü

Tanga tongti temetetsütem:

- * Tajemtiba investment : 1gm, Teimtiba investment : 500 gm.
- * Kumsük : Küm 8 den 5 buba, 6 buba aser 7 buba nung exit options lir
- * Stock Exchange NSE & BSE - ajanga shishitetsü
- * Demat & Paper Form nung angutsü

Subscription Period: 24th April to 28th April, 2017

Issuance Price: ₹ 2951 - ₹ 50 = ₹ 2901 per gram

Hon amshiba nung tarendaktsü kecha mali Loans atema Teyariteper ka ama amshitsü akok Kijatem atema Capital Gains Tax Magitsü

Special reserved gift for all investors

For more information log on to www.bondindia.in

Turkey-i Gulen pusemer nisung 1,000 apu

Istanbul, April 26 (Agencies): US nung amenoka aliba Muslim cleric Fethullah Gulen pusemertem ta tai tonglokja Bodbarnü Turkey nung nisung 1,000 dak tema puogo.

Turkey President Recep Tayyip Erdogan-i takok anguba sülen tang mezüing atema nisung aika apuba mapa inyaker asütsü.

Turkey Linük temzüing nung presidential system tenzüiktsü atema vote agitepba nung Erdogan-i tera agi takok anguba sülen, sorkari nisung 3,000 shi dak temulung melemi bilemba atema aputsü mapa tenzüik.

Turkey kübok province 81 nung ketdangsertemi nisung 1,013 puogo, ta Anadolu news agency ajanga metetdaksü.

Anadolu ajangasa ashiba agi, temulung melemi bilemer nisung 4,672 lir aser parnok rongnung 1,448 bo tepuokdak lir.

July 2016 nung mitkartemi sorkar atsüingdoktsü merandang saka tamakok angu. Iba mapa ya Gulen-i Erdogan atsüingdoktsü atema inyaker ta Turkey ketdangsertemi aitsür.

Tanep temulung malemertem aputsü atema inyakra maparen nung police ketdangser 8,500 shi kati shilem agi.

"Maneni nisungtem aputsü aser iba ya Turkish Republic atema mera tongtipang ka lir" ta Interior Minister Suleyman Soyly-i metetdaksü.

Gulen-i aniba Hizmet (Service) movement ji kiralongrar telok ka lir ta Turkey-i aitsür saka Hizmet (Service) puri ashiba agi, parnokji yimjung atema telok ka lir aser moderate Islam prokshir.

Gulen ya 1999 nungi United States nung jenoka lir aser Turkey sorkari US dang pa pur parnok ket nung agütsütsü atema takhangba agütsüyonga arur.

Yaküm sorkar atsüingdoktsü merangba sülen nungi ita 9 tashi emergency mapang ketdangsertemi nisung 47,000 shi puogo.

OFFICE OF THE YIMJENKIMONG SENSO MONGDANG

B.P.O ALONGKIMA DISTRICT : MOKOKCHUNG, NAGALAND

SENDEN ANOGO MELENSHIR

Mepaitoktetba tensa mapang kar ajanga lenla Senso Mongdang 28th April 2017 anogo, 12th May 2017 anogo-i melenshir. Anogo melenshiba dak alaka sangdong akhi ama alitsü metetdaksür.

Sd/-
L. Longchaba Lemtur
President, Y.S.M.

Sd/-
Imotiba Walling,
General Secretary, Y.S.M.

LONGJANG SANGSODANG AIER TELONGJEM DIMAPUR MOATSÜMONG

Tesentepdak : State Stadium, Dimapur
Anogo : 2nd May, 2017-04-26
Mapang : 11:00 A.M

pelaba I Emsa Teper



Onok asür **Imnaangshi Pongen** (Chuchuyimlang)'er kinungertemi temeim obala shiranga alidang aser pa iba lima nungi pilar onok mangyim jashi nung alidang yariteper kija-kibong, lokti tentet, tembar-medemertem, adianu aser temeimertem ajak dang kanga pelaba metetdaksür.

Talisa, item dang ya pelaba shiemer :

1. Nagaland State Lottery Department
2. Agriculture Department
3. Finance Department
4. Doctors, Nurses & Staff, Naga Hospital Kohima (NHK)

Nenek aria bilem temeim mapa aser sarasadem teyari ajak onok mulungjang nung mamai teti alitsü.

- Temeim kinungtsü, Chirnur aser kinungertem.



Ministry of Social Justice & Empowerment Department of Social Justice & Empowerment Government of India www.socialjustice.nic.in

MINISTRY OF SOCIAL JUSTICE AND EMPOWERMENT

National Overseas Scholarship Scheme kübok Scheduled Caste etc purtem asoshi 2017-18 atema scholarship agütsütsü asoshi Applications meshir . Scholarships ya nisung 100 nem agütsütsü. 2016-17 küm indang anünga akabatema 2016-17 küm indang maparenajak temer enoktsütsü. Iba scholarship yagi Engineering & Management, Pure & Applied Science, Agricultural Science & Medicine, International Commerce, Accounting, Finance & Humanities, Social Science & Fine Arts azüingba nung yaritsü. Iba scholarships yagi bendanglen iba linük jagi temelaba agütsür lapokdaksüba accredited university/institution nung Master's aser Ph.D. level nung züingdaksütsü. Iba azüingtsüba nisungji 1st April 2017 anogo tashi nung tasoba küm 35 teküpbok asütsüla, Master/ Bachelors level nung mark tajemba agi 55% ngua ajangetba mesüra iba den kasa jenjang nung takok angur asütsüla aser küm nung kibong asoshi aaba senji Rs.6:00 lakh tashi angur asütsüla. Iba atema janngar candidate-temi yangi agüja aliba telatetem repranger temsüa lira, Ministry (employed candidates through proper channel) dangi prescribed application form nung Employment News / Rozgar Samachar nung agüja aliba ama zülür yoktsüla. 31st March 2018 anogo tashi nung agizükba application mapang shia repranga award agütsütsü asoshi inyaktü.

Iba scheme dak aketba tejangja temettsütem aser application format ajak Employment News mesüra Ministry's website www.socialjustice.nic.in nung reprangtsüla.

davp 38101/11/0011/1718

MENUNGRA BILEMTETER



ASÜR TSÜRABUR IMSUMEREN JAMIR, UNGMA

Na iba akümüli nungi pilar tanü (27-4-2017) küm ana abensaago. Na onok nungi pilaa oaka, nü temeim mapa, nü senti kensü ola aser nü sarasadem anogo shia onok den alir, aser onoki na teti menungra bilemteter.

Temeim Kinungtsü, Chirnur, Semchir & Kinünger.

ADMISSION OPEN 2017

AKM & DBM-I STUDENT ADMISSION NUNG ANGATI TEYARI AGÜTSÜR

Divine Bridge Ministries (DBM) Delhi, kübok AduAide Career and Counselling Service aser Ao Kaketshir Mungdang (AKM) longjemer India tesem balala nung asen Naga nung kaketshirtem Tongtipangsa asen Aor lanur tazüingertem University, colleges aser Institution balala nung Admission bushiba mapatong nung angati teyari 2015 kum nungi agütsüa arudagi.

Tanü lanurtem aika Class ter (10) aser ter ana (12) pass sür tazüingtsu asoshi lemang sadema mongui alidang AKM & DBM longjemer lemang balala sayua pa/la shidakba tazüingtsu tetoyuba agütsür. Iba den külemi lanur ka dak aketba sempet aser shisatsu asadanga Counselling & Guidance balala agüja pa/lai akoktsuba lemang tem sayua yaria arudagi. Tongtipangsa rongsen nung (Financially weaker section) timtemer lanurtem asoshi scholarship bushija aser fees nung discount meshija college balala nung admission agüja yaria arur.

Ano maneni tanü middleman mesüra telok balala ajanga parnok ajangzüktsü meji tazüingtsü nung tetuyuba tai agütsüba aser lemang tai sayuba ajanga lanur aika taküm raksar aser tsürabur tem rongsen jenti intoker. Anungji item tim masuba mapa ajak nungi kumzüktsü meji AKM & DBM longjemer iba mapa ya inyaker. Tang tashi AKM & DBM-I longjemer course balala nung noklang ana (200) tama admission agütsüogo.

COURSES BALALATEM

- > MBBS
- > Architecture
- > B. Sc. Forestry
- > Pharmacy
- > Physiotherapy
- > B. Sc. IT & B.com
- > Law
- > BDS
- > B. Sc. Agri.
- > B. Sc. Horti
- > BBAMBA
- > B.Sc. Geology
- > Hotel Management
- > Engineering (All Branches)
- > Nursing
- > B.Sc. Biotech
- > Fine Art, Animation
- > Paramedical

Item courses tem nung azüingtsü tejangrar temi agüja aliba contact nung tongteprateptsü mepishir Supongchiten, 9718225382, 8700695549; Impoksula Education Secy, AKM 9612585019; Arenla Dmp, 9615851014.

Office of the Sr. State Medical Commissioner
EMPLOYEES' STATE INSURANCE CORPORATION
Ministry of Labour & Employment, Govt. of India
1-42/1041, Assam Road
GUMHATI - 781021
Ph: 91-361-2521000
Fax: 91-361-2521000

Interest kham kami ECG services Day ashi ESDS Dispensaries PPP mode Underli.
EXPRESSION OF INTEREST FOR PROVIDING ECG SERVICES IN ESDS DISPENSARIES UNDER PPP MODEL.
Applications are invited from eligible service providers for providing in house ECG services under PPP mode (Public Private Partnership) in ESDS dispensaries of Assam-Disas, Meghalaya-Disas, Nagaland-Disa, Tripura-Disa, Mizoram-Disa. Please visit the website www.esic.in for details and apply within 30 days from the publication of this adt. to the above address by post or by email to the given email id - smo-as@esic.in

China-i Pakistan nem sen \$1.2 bn aputsür

Islamabad, April 26 (Agencies): Tesüiba küm ka tsüingda China-i Pakistan nem rongsenkettsüing tsütsü teyari agüja arur aser iba nung \$1.2 billion shi aputsüogo.

China nung sorkari yariba bank temi Pakistan nem anaben tashi sen

aputsüogo aser 2016 nung \$900 million aser 2017 nung \$300 million aputsü, ta Samaa TV ajanga metetdaksü.

Pakistan aser US tsüingda tesentaktep mejungu akümba sülen iba ajanga Beijing o Islamabad

tsüingda tesentaktep tajung aliba sayur.

China-i Pakistan nung China-Pakistan Economic Corridor kübok sen \$62 billion rizüingogo aser ano sector balala nung project aika agizükogo.

3buba Open Penalty Shoot-Out Tournament May 13 nü alitsü



Kohima, April 26 : 2017, April 26 anogo Kohima nung Prodigies Group ketdangsertemi osangbener den senden ka amenba sülen tangokba noksa nung angur.

Kohima, April 26 (TYO): May 13 nü D. Khel (Seikhazou) Ground, Kohima village nung Khedi Baptist Church, Kohima kübok Prodigies Group ajanga "Innovating a stronger fellowship" omen nung ajemdaker 3buba Open Penalty Shoot-Out Tournament ka ayongzüka alitsü, ta sangdongogo.

Arogo balala nungi lanurtem sentepa saisapong ajanga telongjem tasen ka kadaktsüsü, football asayar tanüla tejangraba tali kümdaktsüsü aser shishilempartem den tesendaktep tajungba yanglushiba ajanga tarutsü nung teyari agütsüsü nükjitong nung iba sentong ya ayongzüker, ta iba tournament ketdangsertemi sangdong.

Iba asayamong nung mezüing jenjang angur nem sempet sen 30,000 agütsüsü aser iba sempet ya Vuto Motors, Kohima-i agütsüsü. NV Press Kohima-i tanabuba jenjang angur nem sempet sen 20,000 agütsüsü aser Modicare

Kohima-i tasembuba jenjang angur nem sempet sen 10,000 agütsüsü. Active Station, High School, Kohima-i pezübuba jenjang angur nem sempet sen 5000 aser goal keeper tajungba nem sen 5000 alang sempet agütsüsü.

Iba asayamong asoshi 'registration form' ya sen 100 aser 'entry fee' sen 2000 alitsü. Iba 'form' ya Town area- Sports World, High School area- Active Station (opposite Axis Bank), BOC area- Kiran Sports & Stationary, MATO Building nung agütsü.

Iba asayamong nung shilem agütsübur temi May 11 tashi nung tenüing agütsüsüla aser May 12, D. Khel (Seikhazou) Ground nung nikongdang 3:00 ako nung 'fixture' renemtsü.

Iba tournament ya 'knock-out' dang alitsü.

Asaya balala nung amshiba oset, sübutsü aser chiyongtsütem iba anogo nung ayoktsü.

"Iba asayamong ya kija aser lokdi ajunga nungi arua

asayartem busemstü aser parnok arua adenba ajanga temoatsü angütsüsa sentong yanglua lir," ta Prodigies Group nung ketdangserti ashi.

Iba asayamong nung shilem agütsü asoshi Indira Gandhi Stadium, Kohima nung aliba tetsür team aser Kohima Orphanage Home nem tejaokba shidi agütsüogo.

Kohima District Veteran Football Association nung iba sentong nung arua shilem agütsü yimlar, ta ketdangsertemisa ashi.

Iba asayamong nung shilem agütsü asoshi state nung aliba asayar telok ajunga pelashishia jaoker, ta Prodigies Group ajanga metetdaktüsü.

Maparen balala aser angati mapa balala ajanga Tsüngrem tenzüktsü nükjitong aser tejangraba nung Khedi Baptist Church, Kohima nungi nisung 15 iba Prodigies Group züngsem lir.

Taoba küm iba asayamong tanabuba aliba mapang telok 32 nungi shilem agia liasü.

Goa Football Tournament nung NE lanur-i konang bener aru

Itanagar, April 26 (Agencies): Tezpur nung aliba Assam Valley School indang U-17 aser U-14 football team-i Goa Football Tournament kokogo. Iba asayamong ya International school Sports Association-i ayongzüker lir.

Iba asayamong nung ya India

tesem balala nungi kakat reju 9-i shilem agi. Final ya Goa nung April 23 nung asaya aser Assam Valley School-i akok.

Iba kakat reju nung azünger Arunachal Pradesh nungi, Tenzing Ngorup-i U-17 indang 'Best Player' sempet angu, Tenzing ya U-17 football team

nung captain lir aser iba asayamong nung match asem asayaba nung pai goal 8 agütsü.

Limanzuk Kichu nem-a Tenzing den külemi 'Best Player' sempet ya agütsü. U-14 team nung Param Nongmaitham aser Dhajen Basumatary-na nem 'Best Player' sempet agütsü.

5 Problems

One Solution

Oajm

FAST RELIEF FROM PAIN

Manufactured by: Medixel Research Health Products Pvt. Ltd, Thane (Maharashtra), CUSTOMER CARE- 0220-2293427

APRIL 2Y, 2017 ASAYA
Bangalore VS Gujarat- 8:00 PM

APRIL 26, 2017 ASAYA OSANG
Kolkata-i Wickets 7 agi Pune akok.

Frolic Cup 2017 asaya osang

Dimapur, April 26 (TYO): akok.

2017 Frolic Cup asayamong nung pre-quarters asaya tanü nungi tenzükogo. Telok 8 anunga aliba rongnungi mezüing asaya Starlit Maova aser Sporting Club, Phai pijang na asayaa liasü.

Asaya nung telok anapronglai kanga merang goal agütsüsü asoshi merangtep saka asaya tatem Sporting Club, Phai pijang-i 2-1 agi koka quarter final-i iogo.

Tanabuba asaya nung United FC, Medziphema, aser Khanglai FC na asaya aser Khanglai FC-i 2-0 agi akok.

Anüngdang asaya nung Khanakhurü Students' Union aser Liengai FC na anü tatsük nung kanga meranga asayar, asaya tatem nung Khanakhurü Students' Union-i goal 1 agi

Anogo tatembang buba asaya nung Molvom Youth & Students' Union vs Tribal FC asayaa liasü. Kanga dang tokteba asayaba asaya ka nung mapang tatem tashi nung goal 1-1 dang asüba ajanga tie-break asayaa liasü. Tie-break asaya nung Molvom Youth & Students' Union-i 6-5 agi koka quarter-i iogo.

Brehostibarnü Quarter final asaya yamai alitsü:

1. MVYO vs Tsiepama Youth Organisation, 7:00 am.
2. KYC 'B' vs Winfield Club, 8:30 am.
3. Kanakhurü Students' Union vs Sporting Club, Phai pijang, 2:00 pm.
4. Khanglai FC vs Molvom Youth and Students' Union, 2:30 pm.

Asian Badminton Championship nung Sindhu tanabuba round-i iogo

Wuhan, April 26 (Agencies): Asia Badminton Championship asaya mezüingbuba round nung PV Sindhu-i asaya koka tanabuba round-i iogo. Aji saka kasa asayamong nung Saina Nehwal mezüing asaya nung tamakok angu.

Rio Games nung silver medal angula, PV Sindhu-i Indonesia tsür Dinar Dyah Ayustine akok. Sindhu-i taoba mapang nunga iba asayamong nung bronze medal ngua lir. Lai asaya tenzüker minute 30 majung dang 21-18, 21-18 agi Dinar madak takok angu.

Saina Nehwal temokok yiruba sülen nungi kanga jangra metemi asayaa arudar. Iba asayamong nung la Japan tsür Sayaka Sato-i tsükdaktsü.

Asaya mezüingbuba set bo Saina-i 21-19 agi akok saka tanungba set ana nung Sato-i kanga junga asayaa 16-21, 18-21 agi Saina madak takok angu.

Maneni terep temeyoktep asaya nung Pranaav Jerry Chopra aser N Sikki Reddy-nata China nunger Zheng Siwei aser Chen Qingchen-nati 15-21, 21-14, 16-21 agi tsükdaktsüogo.

Business Association... (Tapak 1 nungi...)

April 22, 2017 anogo nunga parnoki dokantemi ao aser dokan kibur o mapa inyakertem dang o tamajung shia merenshi aser parnoki tuyuba ama meinyakra lendong ajurutsü ta amokmeren aser amokmerenba tetsübu nung dokan anabo shibangtsüsa aküm, ta BAN-isa ashi.

Telungpurtemi jenjang latetba inyakyim memeteti, sen meshizüksü atema dang tenük amor mapa meinyaktsüla. Baht aser Dollar amala foreign currency ajanga bendanglen nungi osettsüset alia bener arua India nunger sen nung meyipzüker ayoker. Kasaji,

'locally produced goods' ji tayoker aser teyangluri asadanga jenjang lateter ayoker. Nagaland nung regulated & controlled market mali, anungji talirtemi parnoki aginüba jenjang nung lijaliyonger, ta BAN-i shisem.

Telungpurtemi Naga entrepreneur tem meinprong masütsüla. Mashimemetetba züngsem kari sen meshizüka agütsü mechi nung mapa inyakba ajanga telok ajunga atema maaksü ang bener arutsür. Maneni, ozüing amertemi iba mesükba inyakyim mita reprangtsü atema mepishir, ta BAN-isa mepishia metetdaktüsü.

BILEMDANGANG

"Nai bilemba dang nungi nai timba meteta lir"